



Pou Piblikasyon Imedya: 15/03/2020

GOUVÈNÈ ANDREW M. CUOMO

**GOUVÈNÈ CUOMO ANONSE TOUT LEKÒL PIBLIK NAN VIL NEW YORK,
WESTCHESTER, SUFFOLK AK NASSAU PRAL FÈMEN SEMÈN SA A POU LIMITE
PWOPAGASYON COVID-19 LA**

Westchester, Nassau ak Suffolk dwe fèmen apati lendi 16 mas la

*NYC dwe gen yon plan an plas nan espas 24 èdtan pou asire ke timoun ki depan
de manje lekòl yo kontinye resevwa sipò epi paran yo - espesyalman travayè
swen sante enpòtan yo ak premye sekouris yo - gen aksè ak gadri*

*Cuomo: "Nenpòt fèmti lekòl dwe fèt nan teni kont ak evantyalite sa yo nan lespri
nou se pou timoun yo pa blese e se pou lopital nou yo pa manke pèsonèl -
otreman se kòmsi nou ap koule bato nou tout moute a".*

Jodi a Gouvènè Andrew M. Cuomo te anonse lekòl ki nan Vil New York, Westchester, Nassau ak Suffolk yo ap fèmen semèn sa a nan kad efò pou limite pwopagasyon nouvo coronavirus la, oswa COVID-19 la.

Lekòl ki nan Westchester, Nassau ak Suffolk pral fèmen pou de semèn apati lendi 16 mas la.

Vil New York dwe devlope yon plan nan pwochen 24 èdtan yo pou asire ke timoun ki depan de pwogram dejene ak dine ekòl yo pral kontinye resevwa sipò sa a, epi paran yo - espesyalman travayè swen sante enpòtan yo ak premye sekouris yo - yo pral ba yo aksè ak gadri jan sa nesesè. Lekòl Vil New York yo pral fèmen nan debi semèn sa a.

"Objektif nou se ralanti pwopagasyon viris la a yon pouvantaj ke sistèm swen sante a ka jere, epi youn nan fason nou ka fè sa se diminye dansite a", **Gouvènè Cuomo te deklare.** "Fèmti lekòl yo se yon bon ide men nou dwe antisipe epi korije nenpòt konsekans envelopontè - nou dwe asire ke timoun ki depan de manje lekòl gratis yo kontinye jwenn yo epi pou gen swen adekwa pou timoun (gadri), espesyalman pou travayè swen sante ak premye sekouris yo ki gen timoun piti. Nou pral fèmen lekòl sa yo men li dwe fèt nan teni kont ak evantyalite sa yo nan lespri nou se pou timoun yo pa blese e se pou lopital nou yo pa manke pèsonèl - otreman se kòmsi nou ap koule bato nou tout moute a."

Gouvènè a te fè apèl tou ak Prezidan 1199 SEIU ki se George Gresham, Prezidan Asosyasyon Enfimyè yo Eta New York (New York State Nurses Association) ki se Judy Sheridan Gonzalez, Prezidan Asosyasyon Lopital Greater New York (Greater New York Hospitals Association) ki se Ken Raske, ak Prezidan Federasyon Pwofesè Ini (United

Federation of Teachers) ki se Mike Mulgrew pou travay ansanm pou asire timoun ki depan de pwogram dejene ak dine lekòl yo pral kontinye resevwa sipò sa a, epi yo pral bay paran yo aksè ak gadri jan sa nesesè, enkli sant gadri tanporè yo. Sant sa yo ta prioyize swen pou timoun travayè swen sante yo ak premye sekouris yo pou asire fèmti lekòl sa yo pa jennen sistèm repons lopital ak ijans yo.

Pi bonè jodi a, Gouvènè a te anchaje SUNY Empire State College, Jim Malatras pou I travay avèk konte yo pou devlope plan enprevi nan kad preparasyon pou fèmti lekòl yo, tankou kijan pou yo bay manje pou timoun ki nan ensekirite alimantè yo epi asire ke fanmi yo gen aksè ase ak gadri.

Chèf Egzekitif konte Westchester, Suffolk ak Nassau te rejwenn Gouvènè Cuomo nan yon apèl konferans pi bonè jodia pou diskite sou fèmti yo ak sa k'ap vini apre:

George Latimer, Chèf Egzekitif Konte Westchester, te deklare, "Konte nou an kowòdone ak Eta a pou asire yon mwayen efikas pou ralanti pwopagasyon viris COVID-19 la. Anile evènman gwoup yo ak reyinyon yo, limite aksè pou kontak sosyal ki pa esansyèl ak prevwa tès adisyonèl ak bezwen swen sante yo tout sa yo rantre nan kad repons nou dekonsè ak Gouvènè a ak administrasyon li an. Fèmti lekòl yo-avèk sèvis gadri ak pwovizyon nitrisyon adekwa-se pwochen etap nou pral antreprann semèn sa a. Nou apresye pwofondman lidèchip Gouvènè Cuomo montre a".

Chèf Egzekitif Konte Suffolk la, Steve Bellone te deklare, "Pandan dènye jou yo, nou travay avèk patnè eta ak lokal nou yo sou fèmti potansyèl lekòl yo pandan kantite ka konfime COVID-19 yo kontinye ogmante nan eta a. Nan kad efò sosyal distans pi laj nou an, nou te rive konkli ke fèmen lekòl se bagay ki bon pou nou fè nan moman sa a. Mwen ta renmen remèsyé Gouvènè Cuomo pou lidèchip li pandan n'ap fè fas ak kriz sa a ansanm avèk distri lekòl nou yo pou patenarya yo ak aksyon rapid yo pou pwoteje fanmi Suffolk yo".

Chèf Egzekitif Konte Nassau a, Laura Curran te deklare, "Mwen remèsyé Gouvènè Cuomo paske li konplètnan sipòte desizyon nou pou fèmen tout lekòl publik ak prive epi pou angajman san fay li pou asire yo konplètman pran swen chak timoun nan Konte Nassau pandan kriz sa a ap kontinye devlope. Nou tout dakò ke pa gen anyen ki pi enpòtan pase sekirite ak byennèt timoun nou yo".

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)